

1575

1241


Bosna i Hercegovina  
Federacija Bosne i Hercegovine  
**KANTON SARAJEVO**  
Kantonalna uprava za inspekcijske  
poslove



Босна и Херцеговина  
Федерација Босне и Херцеговине  
**КАНТОН САРАЈЕВО**  
Кантонална управа за инспекцијске  
послове

Bosnia and Herzegovina  
Federation of Bosnia and Herzegovina  
**CANTON SARAJEVO**  
**Cantonal Administration for Inspection Issues**

**Broj:** 14-02-05-01702/19  
**Sarajevo,** Maj 29. 2019. godine



**Bosna i Hercegovina**  
**Federacija Bosne i Hercegovine**  
**SKUPŠTINA KANTONA SARAJEVO**  
**SARAJEVO**  
*(na pažnju , predsjedavajućeg, Elmedina Konakovića )*

***Predmet: Dopuna odgovora na zastupničku inicijativu broj: 01-08-8345-42/19 od 28.03.2019. godine podnesenu od strane zastupnice Vildane Bešlije – dostavlja se;***

Zastupnica Vildana Bešlija na Šestoj radnoj sjednici Skupštine Kantona Sarajevo, održanoj dana 26.03.2019. godine podnijela je zastupničku inicijativu koja glasi:

" Na osnovu člana 106. Poslovnika Skupštine Kantona Sarajevo ("Sl.novine Kantona Sarajevo"br. 25/10,14/11,19/11,7/12 i 26/12) upućujem zastupničku inicijativu za pojačan inspekcijski nadzor nad sječom šume u Općini Hadžići".

Dana 16.04.2019. godine, dostavljen je odgovor na podnesenu inicijativu u kojem je između ostalog navedeno da je "direktor Uprave donio Naredbu broj: 14-02-05-01702/19 od 08. aprila 2019. godine, kojom se obavezuje glavni inspektor poljoprivredne, vodne i šumarske inspekcije da organizuje kontinuirane pojačane inspekcijske nadzore u oblasti šumarstva na okolnosti sječe šume na području Kantona Sarajevo, a posebno na području Općune Hadžići.



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)  
Tel: + 387 (0) 33 770-100 (centrala)  
+ 387 (0) 33 569-870 (direktor)  
Fax: + 387 (0) 33 770-151, + 387 (0) 33 569-890  
Sarajevo, Aleja Bosne Srebrene bb

Pojačani inspekcijski nadzori podrazumjevaju rad šumarskih inspektora u dvije smjene kao i u dane vikenda i dane državnog praznika. "

Postupajući po navedenoj naredbi, šumarski inspektori su od dana donošenja iste posebnu pažnju posvetili kontroli rada Kantonalnog javnog preduzeća za gospodarenje državnim šumama "Sarajevo-šume" doo Sarajevo, kojem su šume na Kantonu Sarajevo u državnom vlasništvu posebnim ugovorom, date i prenesene na korištenje i gospodarenje.

Pored navedenog vršen je pojačan inspekcijski nadzor nad radom Uprave za šumarstvo koja organizacijski djeluje unutar Ministarstva privrede Kantona Sarajevo, a kojoj je Zakonom o šumama Kantona Sarajevo data važna uloga u dijelu koji se odnosi na zaštitu i čuvanje šuma.

Lugarska služba koja djeluje unutar Uprave za šumarstvo u skladu sa Zakonom o šumama Kantona Sarajevo obavlja čuvanje i zaštitu šuma od bespravnih sječa i bespravnog zauzimanja šumskog zemljišta, kao i zaštitu od požara, zaštitu od biljnih bolesti i sl.

Nadzorom su obuhvaćene i šume u privatnom vlasništvu posebno u dijelu koji se odnosi na sječu šume.

Planiranim nadzorima određeni su prioriteti koji se odnose na lokalitete na kojima su ranije evidentirane bespravne sječe.

Mjere pojačanog inspekcijskog nadzora vršila su dva šumarska inspektora, koliko je trenutno i popunjeno, u odnosu na četiri sistematizovana radna mjesta šumarskog inspektora (popunjenost je 50%) , a sve u saradnji i koordinaciji sa glavnim inspektorom koji je sačnio plan inspekcijskih nadzora sa tačno utvrđenim lokalitetima. Nadzori su vršeni pored redovnog radnog vremena i u neradne dane odnosno dane vikenda kao i poslije radnog vremena u poslijepodnevnim satima.

Šumarska inspekcija je u periodu od 08. aprila 2019.godine do 28. maja 2019.godine izvršila ukupno 102 inspekcijska nadzora, od čega 68 nadzora na području Općine Hadžići.

U cilju otklanjanja utvrđenih nepravilnosti, inspekcija je donijela 16 rješenja kojim je naloženo otklanjanje utvrđenih nedostataka u određenim rokovima, od čega je Kantonalnom javnom preduzeću za gospodarenje državnim šumama "Sarajevo-šume" doo Sarajevo izdato osam rješenja, Upravi za šumarstvo sedam rješenja i jedno rješenje preduzeću koje se bavi prorezom drveta "Sivi-komerc" doo Ilijaš.

Za nepoštivanje mjera propisanih Zakonom o šumama Kantona Sarajevo, inspekcija je pokrenula 21 prekršajni postupak izdavanjem prekršajnog naloga kojim su izrečena novčane kazne u ukupnom iznosu 39 500, 00 KM ( slovima: tridesetdevethyljadai petstokonvertibilnih maraka).

Od ukupnog broja izdatih prekršajnih naloga, četiri prekršajna naloga u iznosu od 28. 000,00 KM su izdata pravnom licu KJP "Sarajevo-šume" doo Sarajevo, četiri prekršajna naloga odgovornom licu u pravnom licu KJP "Sarajevo-šuma" doo Sarajevo - direktoru preduzeća u iznosu 6.500, 00 KM, jedan prekršajni nalog preduzeću za prorez drveta "Sivi-komerc" doo Ilijaš u iznosu 2.000,00 KM i jedan prekršajni nalog odgovornom licu u tom preduzeću u iznosu 500,00 KM, osam prekršajnih naloga izdato je fizičkim licima za bespravan promet i krčenje



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

šume u iznosu 1. 600,00 KM i tri prekršajna naloga fizičkim licima za bespravan promet sadnog materijala u iznosu 900,00 KM.

Prekršajni nalozi su izdati KJP "Sarajevo-šume" doo Sarajevo i odgovornim licima, zbog ne poštivanja propisanih mjera iz Zakona o šumama Kantona Sarajevo, a koji se odnose na zaštitu šuma i šumskog zemljišta, kao i određenom broju fizičkih lica zatečenim u izvršenju bespravnih sječa, odnosno licima zatečenim u vršenju nelegalnog prometa bespravno posječenog drveta.

Obzirom da Zakonom o šumama Kantona Sarajevo nisu propisane prekršajne sankcije za čuvare šuma - lugare i odgovorna lica u Upravi za šumarstvo, a što smo već više puta isticali i tražili u tom dijelu izmjenu Zakona o šumama Kantona Sarajevo, inspekcija je prema Upravi djelovala upravnom mjerom - rješenjem kojim je naložila preduzimanje mjera na evidentiranju bespravnih sječa na način kako je propisao zakon i naložila redovno pismeno obavještanje inspekcije o bespravnim sječama.

Šumarska inspekcija će i dalje nastaviti pojačanu aktivnost na kontroli bespravnih sječa šuma i drugih bespravnih aktivnosti i o tome u skladu sa utvrđenim obavezama redovito podnositi izvještaj.

S poštovanjem,

*Dostavljeno:*

1. *Predsjedavajući Skupštine KS*
2. *Sekretar Skupštine KS*
3. *Sekretar Vlade KS*
4. *a/a*



**DIREKTOR**

**Fahir Halilović**



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb